

孟河丁氏醫罔案



王震書



吳興

孟河丁氏醫案卷五

武進孟河丁澤周甘仁著

男

元

彥

彙

錄

孫

濟萬

編訂

濟華

校讐

濟民

痿痺案

封右 溫病後。陰液已傷。虛火燦金。肺熱葉焦。則生痿躄。兩足不能任地。咳嗽咯痰不爽。穀食減少。咽喉乾燥。脈濡滑而數。舌質紅苔黃。延經數月。恙根已深。姑宜養肺陰。清陽明。下病治上。乃古之成法。

南沙參三錢

川石斛三錢

天花粉三錢

生甘草五分

川貝母三錢

肥知母錢半

瓜蒌皮三錢

甜光杏三錢

絡石籐三錢

懷牛膝二錢

嫩桑枝 三錢

冬瓜子 三錢

活蘆根 一尺去節

二診 前進養肺陰清陽明之劑。已服十帖。咳嗆內熱。均見輕減。兩足痿軟不能任地。痿者萎也。如草木之萎。無雨露以灌溉。欲草木之榮茂。必得雨露之濡潤。欲兩足之不痿。必賴肺液以輸佈。能下蔭於肝腎。肝得血則筋舒。腎得養則骨強。陰血充足。絡熱自清。治痿獨取陽明。清陽明之熱。滋肺金之陰。以陽明能主潤宗筋而流利機關也。

大麥冬 二錢

北沙參 三錢

抱茯神 三錢

淮山藥 三錢

細生地 四錢

肥知母 錢半

川貝母 二錢

天花粉 三錢

絡石籐 二錢

懷牛膝 二錢

嫩桑枝 三錢

三診 五臟之熱。皆能成痿。書有五痿之稱。不獨肺熱葉焦也。然而雖有五。實則有二。熱痿也。溼痿也。如草木久無雨露則萎。草木久被濕遏亦萎。兩足痿躄。亦猶是也。今脈濡數。舌質紅絳。此熱痿也。疊進清陽明滋肺陰以來。兩足雖不能步履。

已能自行舉起之象。藥病尙覺合宜。仍守原法。加入益精養血之品。徐圖功效。

北沙參三錢

大麥冬二錢

茯神三錢

懷山藥三錢

川石斛三錢

小生地三錢

肥知母錢半

懷牛膝二錢

絡石藤三錢

菟蔚子三錢

嫩桑枝三錢

猪脊髓兩條酒洗入煎

虎潛丸三錢清晨淡鹽湯送服

程左

初病脚氣浮腫。繼則腫雖消。而痿軟不能步履。舌淡白。脈濡緩。穀食衰少。

此濕熱由外入內。由肌肉而入筋絡。絡脈壅塞。氣血凝滯。此濕痿也。經云。濕熱不攘。大筋軟短。小筋弛長。軟短為拘。弛長為痿是也。濕性粘膩。最為纏綿。治宜崇土逐濕。去瘀通絡。

連皮苓四錢

福澤瀉錢半

木防己三錢

全當歸二錢

白朮錢半

蒼朮一錢

陳皮一錢

川牛膝二錢

杜紅花八分

生苡仁四錢

陳木瓜三錢

西秦艸錢半

紫丹參二錢

嫩桑枝三錢

另茅山蒼朮一斤米泔水浸七日。飯鍋上蒸九次。晒乾研細末。加苡仁米半

斤酒炒桑枝半斤煎湯泛丸。每服三錢。空心開水吞下。

此方服五十餘劑。丸藥兩料。漸漸而癒。

李左

兩足痿軟。不便步履。按脈尺弱。寸關弦數。此乃肺腎陰虧。絡有蘊熱。經所謂肺熱葉焦。則生痿躄是也。陽明為十二經之長。治痿獨取陽明者。以陽明主潤宗筋。宗筋主束骨而利機關也。症勢纏綿。非易速痊。

南北沙參 各錢半

鮮生地 三錢

川黃柏 錢半

絲瓜絡 二錢

川石斛 三錢

生苡仁 三錢

肥知母 錢半

大麥冬 三錢

陳木瓜 二錢

絡石藤 三錢

虎潛丸 三錢包煎

楊右

手足痺痛微腫。按之則痛更劇。手不能招舉。足不能步履。已延兩月餘。脈弦小而數。舌邊紅。苔膩黃。小溲短少。大便燥結。體豐之質。多濕多痰。性情躁急。多鬱多火。外風引動內風。挾素蘊之濕痰入絡。絡熱血瘀不通。不通則痛。書云。陽氣多。陰氣少。則為熱痺。此症是也。專清絡熱為主。熱清則風自熄。風靜則痛可止。

羚羊片一錢先煎鮮石斛三錢

嫩白薇錢半

生赤芍二錢

生甘草五分

菟蔚子三錢

鮮竹茹二錢

絲瓜絡二錢

忍冬藤四錢

夜交藤四錢

嫩桑枝四錢

大地龍二錢酒洗

覆診 前清絡熱已服十劑。手足痺痛十去六七。腫勢亦退。風靜火平也。惟手足未能舉動。舌質光紅。脉數漸緩。口乾欲飲。小溲短少。腑行燥結。血不養筋。津液既不能上承。又無以下潤也。前方獲効。毋庸更張。

原方去大地龍。加天花粉三錢。

又服十劑。痺痛已止。惟手足乏力。去羚羊片。白薇。鮮石斛。加紫丹參二錢。全當歸三錢。西秦艽錢半。懷牛膝二錢。

嚴右 腰髀痺痛。連及胯腹。痛甚則泛噁清涎。納穀減少。難於轉側。腰為少陰之

府。脾為太陽之經。胯腹為厥陰之界。產後血虛。風寒濕乘隙入太陽。少陰。厥陰之絡。營衛痺塞不通。厥氣上逆。挾痰濕阻於中焦。胃失下順之旨。脈象尺部沉細。寸

關弦濇苔薄膩。書云風勝爲行痺。寒勝爲痛痺。濕勝爲着痺。痛爲寒痛。寒鬱濕着。顯然可見。恙延兩月之久。前師謂肝氣入絡者。又謂血不養筋者。理亦近是。究未能審其致病之源。鄙擬獨活寄生湯。合吳茱萸湯加味。溫經達邪。泄肝化飲。

紫丹參二錢

雲茯苓三錢

全當歸二錢

大白芍錢半

川桂枝六分

青防風一錢

厚杜仲二錢

懷牛膝二錢

熟附片一錢

北細辛三分

仙半夏三錢

淡吳萸五分

川獨活一錢

桑寄生二錢

服藥五劑。腰髀胯腹痺痛大減。泛噁亦止。惟六日未更衣。飲食無味。去細辛半。夏加砂仁七分。半硫丸錢半。吞服。又服兩劑。腑氣已通。穀食亦香。去半硫丸。吳萸。加生白朮錢半。生黃芪三錢。服十劑。諸恙均愈。得以全功。足見對症用藥。其效必速。

汪翁

腰痛偏左如折。起坐不得。痛甚則四肢震動。形瘦骨立。食少神疲。延一月餘。診脈虛弦而浮。浮爲風象。弦爲肝旺。七秩之年。氣血必虛。竹敍之時。電風入腎。

氣虛不能托邪外出。血虛無以流通脈絡。故腰痛若此之甚也。拙擬大劑玉屏風。改散為飲。

生黃芪 五錢

青防風 五錢

生白朮 三錢

生甘草 六分

全當歸 二錢

大白芍 二錢

厚杜仲 三錢

廣木香 五分

陳廣皮 一錢

此方服後一劑知二劑已。方中木香陳皮二味止痛須理氣之意也。孫濟萬誌。

黃左

髀部痺痛連及腿足不能步履。有似痿躄之狀。已延兩月之久。痿躄不痛。

痛則為痺。脈左弦滑右濡滑。風寒濕三氣雜至合而為痺。痺者閉也。氣血不能流通所致。擬蠲痺湯加減。溫營去風。化濕通絡。

全當歸 二錢

大白芍 錢半

桂枝 六分

清炙草 六分

紫丹參 二錢

雲茯苓 三錢

秦艽 二錢

牛膝 二錢

獨活 一錢

海風藤 三錢

防己 二錢

延胡索 一錢

嫩桑枝 三錢

陳木瓜 錢半

陳左

風為陰之陽。中人最速。其性善走。竄入經絡。故肢節作疼。今見上下左右。

無定名曰行痺。脉弦細而濇。陰分素虧。邪風乘虛入絡。營衛不能流通。當宜和營去風。化濕通絡。

全當歸 二錢

大川芎 八分

威靈仙 錢半

嫩桑枝 四錢

大白芍 二錢

晚蠶沙 三錢包

海風藤 三錢

西秦艸 二錢

青防風 二錢

甘草 八分

汪左

風寒濕三氣雜至。合而為痺。風勝為行痺。寒勝為痛痺。濕勝為着痺。髀骨痠痛。入夜尤甚。亦痺之類。脉象沉細而濇。肝脾腎三陰不足。風寒濕三氣入絡。與宿瘀留戀。所以痠痛。入夜尤甚也。擬獨活寄生湯加味。

全當歸 二錢

西秦艸 二錢

厚杜仲 三錢

雲茯苓 三錢

大白芍 二錢

青防風 一錢

川獨活 一錢

五加皮 三錢

紫丹參 二錢

川桂枝 四分

桑寄生 三錢

嫩桑枝 四錢

炙甘草 五分

小活絡丹 一粒入煎

淮牛膝 二錢

沈左

脉滑而有力。舌苔薄膩。骨痛徹背。夜寐不安。此乃痰濁積于胸中。致成胸

痺。胸為清陽之府。如離照當空。不受纖翳。濁陰上僭。清陽被蒙。膈中之氣。窒塞不宣。症屬纏綿。當宜金匱瓜蒌薤白半夏湯加味。辛開苦降。滑利氣機。

瓜蒌皮 四錢

仙半夏 二錢

雲茯苓 三錢

薤白頭 錢半 酒炒 江枳壳 一錢

廣陳皮 一錢

潼蒺藜 三錢

廣鬱金 錢半

謝左

左肩髀痺痛已久。連投去風之劑。依然如故。經云。邪之所湊。其氣必虛。氣

陰兩虧。痰濕留戀經絡。營衛不能流通。擬玉屏風散加味。益氣養陰。化痰通絡。

生黃芪 三錢

細生地 三錢

西秦朮 二錢

竹瀝半夏 二錢 青防風 二錢

甘菊花 三錢

廣陳皮 一錢

炒竹茹 二錢

生白朮 二錢 京元參 二錢

煨木香 八分

嫩桑枝 四錢

大地龍 二錢 酒洗 指迷茯苓丸 三錢 包煎

錢左

初起寒熱。繼則臍腹膨脹。右臂部痠痛。連及腿足。不能舉動。小溲短赤。腑

行燥結。舌苔膩黃。脉象濡滑而數。伏邪濕熱挾滯。互阻膜原。樞機不和。則生寒熱。

厥陰橫逆。脾失健運。陽明通降失司。則生臌脹。痺痛由於風濕。經絡之病。連及臟

腑。彌生枝節。姑宜健運分消。化濕通絡。冀其應手為幸。

清水豆卷四錢

茯苓皮四錢

枳實炭一錢

嫩白薇一錢五分 冬瓜子三錢

通草八分

全瓜蒌四錢切

郁李仁三錢研

西秦艽一錢五分 大麻仁四錢研

木防己二錢

肥知母二錢

地枯蘿三錢

二診

腑氣通。臍腹脹勢亦減。納少。渴不多飲。小溲短赤。右背部痺痛。連及腿足。

不便步履。苔薄膩黃。脉象濡數。陰液本虧。濕熱氣滯互阻膜原之間。肝失疎泄。脾

失健運。絡中風濕留戀。營衛不得流通。還慮纏綿增劇。再宜健運分消。化濕通絡。

清水豆卷三錢

連皮苓四錢

枳實炭一錢

益元散三錢包

天花粉二錢

猪苓二錢

陳廣皮一錢

西秦艽二錢

生熟苡仁各三錢

通草八分

大腹皮三錢

地枯蘿三錢

小溫中丸錢半

冬瓜皮三錢

三診

腑氣通而溏薄。臍腹脹勢已能漸消。小溲亦利。右髀部漫腫。痺痛大輕。但

不便步履耳。脉象虛弦而數。舌邊紅。苔薄膩。陰分本虧。肝脾氣滯。蘊濕濁氣。凝聚

膜原。絡中痰瘀未楚。營衛不能流通。效不更方。仍宗原意出入。

川石斛三錢

西秦艽二錢

地枯蘿三錢

冬瓜子三錢

連皮苓四錢

陳廣皮一錢

木防己二錢

川牛膝二錢

生白朮一錢五分 大腹皮二錢

藏紅花八分

炒苡仁三錢

嫩桑枝三錢

朱左

診脈三部弦小而數。右寸濇。關濡。尺細數。舌苔膩黃。見症胸痺痞悶。不進

飲食。時泛噁。裏熱口乾不多飲。十日未更衣。小溲短赤渾濁。目珠微黃。面色晦而無華。良由腎陰早虧。濕遏熱伏。犯胃貫膈。胃氣不得下降。脈症參合。證屬纏綿。陰傷既不可滋。濕甚又不可燥。姑擬宣氣泄肝。以通陽明。芳香化濁。而和樞機。

括萋皮三錢

赤茯苓三錢

江枳實一錢

葶薺梗錢半

薤白頭一錢 酒炒

福澤瀉錢半

炒竹茹錢半

鮮枇杷葉三片

綿茵陳錢半

仙半夏二錢

通草八錢

銀柴胡一錢

水炒川連四分

鮮藿佩各二錢

塊滑石三錢

二診 脈左三部細小帶弦。右寸濇稍和。關濡尺細。舌苔薄膩而黃。今日嘔噁漸

減。胸痞依然。不思納穀。口乾不多飲。旬日未更衣。小溲短赤渾濁。目珠微黃。面部晦色稍開。少陰之分本虧。濕熱夾痰滯。互阻中焦。肝氣橫逆於中。太陰健運失常。陽明通降失司。昨投宣氣泄肝。以通陽明。芳香化濁。而和樞機之劑。尚覺合度。仍守原意擴充。

仙半夏 二錢

赤茯苓 三錢

銀柴胡 一錢

綿茵陳 錢半

上川雅連 五分

鮮藿香佩蘭 各二錢

廣鬱金 錢半

建澤瀉 錢半

括萹皮 三錢

炒枳實 一錢

生熟穀芽 各三錢

薤白頭 一錢酒炒
塊滑石 三錢

炒竹茹 錢半

通草 八分

鮮枇杷葉 三片去毛包

鮮荷梗 一尺

三診。嘔噁已止。濕濁有下行之勢。胸痞略舒。氣機有流行之漸。惟納穀衰少。小溲渾赤。苔薄黃。右脉濡滑。左脈弦細帶數。陰分本虧。濕熱留戀膜原。三焦宣化失司。脾不健運。胃不通降。十餘日未更衣。腸中乾燥。非宿垢可比。勿亟亟下達也。今擬理脾和胃。苦寒泄熱。淡味滲濕。

括萹皮三錢 赤茯苓三錢 黑山梔錢半 鮮葶藶梗三錢 薤白頭一錢酒炒

炒枳實七分 通草八分 鮮枇杷葉三片 仙半夏二錢 川貝母二錢

塊滑石三錢 鮮荷梗一尺 水炒川連四分 鮮藿香佩蘭各二錢

生熟穀芽各三錢

四診 胸痞十去七八。腑氣已通。濁氣已得下降。惟納穀衰少。小溲短赤渾濁。臨晚微有潮熱。脈象右濡滑而數。左弦細帶數。苔薄膩微黃。腎陰虧於未病之先。濕熱逗留膜原。三焦宣化失司。脾胃運行無權。葉香巖先生云。濕熱為薰蒸粘膩之邪。最難驟化。所以纏綿若此也。再宜宣氣通胃。苦降滲濕。

清水豆卷六錢 赤茯苓三錢 銀柴胡一錢 鮮枇杷葉四片 鮮荷梗一尺

黑山梔錢半 炒枳實八分 塊滑石三錢 仙半夏二錢 川貝母二錢

通草八分 穀麥芽各三錢 川黃連三分 鮮藿香佩蘭各二錢

括萹皮三錢 葶藶梗一錢五分

五診 門人余繼鴻接續代診

小溲渾赤漸淡。胃氣來復。漸漸知饑。頭眩神疲。因昨晚饑而未食。以致虛陽上擾也。腕痞已除。午後仍見欠舒。良由濕熱之邪。旺於午後。乘勢而上蒸也。脾胃雖則漸運。而三焦之間。濕熱逗留。一時未能清徹。口涎甚多。此脾虛不能攝涎也。今擬仍宗原法。中加和胃運脾之品。

清水豆卷六錢 赤茯苓三錢 塊滑石三錢 鮮枇杷葉四片 鮮荷梗一尺

黑山梔錢半 生於朮八分 通草八分 仙半夏錢半 穀麥芽各三錢

炒枳實八分 鮮藿香佩蘭各二錢 杭菊花錢半 括蕁皮三錢

川貝母二錢 橘白絡各一錢 荸薺梗錢半

六診 飲食漸增。口亦知味。脾胃運化之權。有恢復之機。小溲赤色已淡。較昨略長。濕熱有下行之勢。俱屬佳徵。神疲乏力。目視作脹。且畏燈亮。此正虛浮陽上擾也。口涎漸少。脾氣已能攝涎。舌苔薄膩。而黃色已化。脈象右寸關頗和。左關

無力兩尺細軟。邪少正虛。再擬溫胆湯。加扶脾宣氣。而化濕熱之品。標本同治。

清水豆卷六錢 赤茯苓三錢 川貝母二錢 鮮枇杷葉四片 鮮荷梗一尺

生於朮錢半 橘白絡各八分 穀麥芽各三錢 杭菊花錢半 廣鬱金一錢

生苡仁三錢 炒竹茹錢半 仙半夏錢半 鮮藿香佩蘭各二錢

通草八分 建蘭葉三片

此方本用枳實。括萋皮。二味。因大便又行兼溏。故去之。

七診 腹脹已舒。飲食亦香。小溲漸清。僅帶淡黃色。昨解大便一次頗暢。作老黃色。久留之濕熱滯濁。從二便下走也。今早欲大便未得。略見有血。良由濕熱蘊於大腸。血分乘勢外達。可無妨碍。脾胃運化有權。正氣日漸恢復。當慎起居。謹飲食。不可稍有疎忽。恐其橫生枝節也。再與扶脾宣化。而暢胃氣。

生於朮一錢 硃茯苓三錢 通草八分 鮮荷梗一尺 鮮藕節三枚

清水豆卷四錢 橘白絡各一錢 川貝母二錢 仙半夏錢半 生苡仁三錢

穀麥芽各三錢

京赤芍 錢半

炒竹茹 錢半

杭菊花 錢半

建蘭葉三片

葶薺梗 錢半

八診 脾胃為資生之本。飲食乃氣血之源。正因病而虛。病去則正自復。今病邪

已去。飲食日見增加。小溲漸清。略帶淡黃。三焦蘊留之濕熱。從二便下達。脾胃

資生有權。正氣日振矣。舌根膩。未能盡化。脈象頗和。惟尺部細小。再與扶脾和

胃。而化餘濕。

生於朮 一錢

硃茯苓 三錢

穀麥芽各三錢

鮮荷梗 一尺

鮮建蘭葉 二片

清水豆卷 四錢

橘白絡 各一錢

稽豆衣 錢半

仙半夏 錢半

生苡仁 三錢

炒杭菊 錢半

炒竹茹 錢半

鮮藿香佩蘭 各二錢

通草 八分

九診 脈象漸漸和緩。藏府氣血日見充旺。病後調養。飲食為先。藥物次之。書云

胃以納穀為寶。又云無毒治病。十去其八。毋使過之。傷其正也。補養身體。最冲

和者。莫如飲食。今病邪盡去。正宜飲食緩緩調理。雖有餘下微邪。正足則自去。

不必慮也。再與調養脾胃而化餘邪。

生於朮錢半 橘白絡各一錢 穀麥芽各三錢 鮮荷梗一尺 清水豆卷四錢

生苾仁三錢 佩蘭梗錢半 建蘭葉二片 硃茯神二錢 生淮藥二錢

稽豆衣錢半 炒杭菊錢半 鮮佛手一錢 通草八分

十診 病邪盡去。飲食頗旺。脈象和緩有神。正氣日見充旺。小便雖長。色帶黃。苔薄膩。餘濕未盡。四日未更衣。因飲食多流質之故。非燥結可比。不足慮也。當此夏令。還宜慎起居。節飲食。靜心調養月餘。可以復元。再宜健運脾胃。而化餘濕。

生於朮錢半 瓜萹皮三錢 川貝母三錢 鮮佩蘭三錢 清水豆卷四錢

硃茯神三錢 生苾仁三錢 通草一錢 鮮荷梗一尺 橘白絡各一錢

生熟穀芽各三錢

主... 宋... 主...

和... 主... 三... 臨... 一... 我... 賦... 一...

主... 賦... 三... 出... 且... 三... 銀... 兩... 三... 一... 一... 一...

夏... 命... 正... 備... 出... 送... 洽... 合... 額... 亦... 隨... 養... 只... 結... 計... 以... 邊... 五... 再... 宜... 每... 萬... 萬... 一... 一... 一...

夏... 命... 正... 備... 出... 送... 洽... 合... 額... 亦... 隨... 養... 只... 結... 計... 以... 邊... 五... 再... 宜... 每... 萬... 萬... 一... 一... 一...

夏... 命... 正... 備... 出... 送... 洽... 合... 額... 亦... 隨... 養... 只... 結... 計... 以... 邊... 五... 再... 宜... 每... 萬... 萬... 一... 一... 一...

夏... 命... 正... 備... 出... 送... 洽... 合... 額... 亦... 隨... 養... 只... 結... 計... 以... 邊... 五... 再... 宜... 每... 萬... 萬... 一... 一... 一...

夏... 命... 正... 備... 出... 送... 洽... 合... 額... 亦... 隨... 養... 只... 結... 計... 以... 邊... 五... 再... 宜... 每... 萬... 萬... 一... 一... 一...

夏... 命... 正... 備... 出... 送... 洽... 合... 額... 亦... 隨... 養... 只... 結... 計... 以... 邊... 五... 再... 宜... 每... 萬... 萬... 一... 一... 一...

夏... 命... 正... 備... 出... 送... 洽... 合... 額... 亦... 隨... 養... 只... 結... 計... 以... 邊... 五... 再... 宜... 每... 萬... 萬... 一... 一... 一...

孟河丁氏醫案 卷五

諸痛案

脘脅痛案

傳右 舊有胸脘痛之宿疾。今新產半月。胸脘痛大發。痛甚嘔吐拒按。飲食不納。形寒怯冷。舌苔薄膩而灰。脈象左弦緊。右遲澹。新寒外受。引動厥氣上逆。食滯交阻中宮。胃氣不得下降。頗慮痛劇增變。急擬散寒理氣。和胃消滯。先冀痛止為要。着。至於體質虧虛。一時無暇顧及也。

桂枝心 各三分

仙半夏 三錢

左金丸 六分包

括萸皮 三錢炒

陳皮 一錢

薤白頭

錢半酒炒 雲茯苓 三錢

大砂仁 一錢研

金鈴子 二錢

延胡索 一錢

枳實炭 一錢

炒穀麥芽 各三錢

陳佛手 八分

神仁丹

四分(自製)另開水冲服

二診 服藥兩劑。胸脘痛漸減。嘔吐漸止。穀食無味。頭眩心驚。苔薄膩。脈左弦右遲緩。此營血本虛。肝氣肝陽上升。濕滯未楚。脾胃運化無權。今擬柔肝泄肝和胃暢中。

炒白芍 錢半

金鈴子 二錢

延胡索 一錢

雲茯苓 三錢 (硃砂拌)

仙半夏 二錢

陳廣皮 一錢

括萋皮 二錢

薤白頭 錢半 酒炒 紫丹參 二錢

大砂仁 一錢 研

紫石英 三錢

陳佛手 八分

炒穀麥芽 各三錢

三診 痛嘔均止。穀食減少。頭眩心悸。原方去延胡索。金鈴子加

製香附 三錢 青龍齒 三錢

張右 胸脘痛有年。屢次舉發。今痛引脇肋。氣升泛噁。夜不安寐。苔薄黃。脈左弦右濇。良由血虛不能養肝。肝氣橫逆。犯胃尅脾。通降失司。胃不和則臥不安。肝爲剛臟。非柔不克。胃以通爲補。今擬柔肝通胃。而理氣機。

生白芍 三錢

金鈴子 二錢

左金丸 八分包

硃茯神 三錢

仙半夏 錢半

北秣米三錢包 旋覆花錢半包 眞新絳八分 炙烏梅五分 煨瓦楞四錢

川貝母二錢 姜水炒竹茹錢半

二診 胸脇痛略減。而心悸不寐。頭眩泛噁。內熱口燥。不思納穀。腑行燥結。脈弦細而數。舌邊紅苔黃。氣有餘便是火。火內熾則陰傷。厥陽升騰無制。胃氣逆而不降也。肝為剛臟。濟之以柔。胃為燥土。得陰始和。今宜養陰柔肝。清燥通胃。

川石斛三錢 生白芍二錢 金鈴子二錢 左金丸七分包 川貝母二錢

硃茯神三錢 黑山梔二錢 烏梅肉五分 珍珠母六錢 青龍齒三錢

煨瓦楞四錢 全瓜蒌三錢切 葶薺二兩洗打

章右 胸脘痛已延匝月。痛引脇肋。納少泛噁。舌質紅苔黃。脈弦而數。良由氣鬱化火。銷燦胃陰。胃氣不降。肝升太過。書所謂暴痛屬寒。久痛屬熱。暴痛在經。久痛在絡是也。當宜泄肝理氣。和胃通絡。

生白芍三錢 金鈴子二錢 左金丸七分包 黑山梔二錢 川石斛三錢

川貝母二錢

瓜蒌皮三錢

黛蛤散四錢包

旋覆花錢半包

真新絳八分

煨瓦楞四錢

帶子絲瓜絡二錢

復診

兩劑後痛減嘔止原方去左金丸加南沙參三錢合歡皮錢半

朱童

腕痛喜按得食則減脈象弦遲舌苔薄白中虛受寒肝脾氣滯擬小建中

湯加味

大白芍三錢

炙甘草一錢

肉桂心四分

雲茯苓三錢

陳廣皮一錢

春砂殼八分

烏梅肉四分

全當歸二錢

煨姜兩片

紅棗四枚

飴糖四錢

章左

腕腹作痛延今兩載飽食則痛緩腹脹微飢則痛劇心悸舌淡白脈左弦

細右虛遲體豐之質中氣必虛虛寒氣滯為痛虛氣散逆為脹肝木來侮中虛求

食前投大小建中均未應效非藥不對症實病深藥淺原擬小建中加小柴胡湯

合荆公妙香散複方圖治奇之不去則偶之之意先使肝木條暢則中氣始有權

衡也。

大白芍三錢

炙甘草一錢

肉桂心四分

潞黨參三錢

銀州柴胡錢半

仙半夏二錢

雲茯苓三錢

陳廣皮一錢

烏梅肉四分

全當歸二錢

煨姜三片

紅棗五枚

飴糖六錢

(妙香散方)

人參錢半

炙黃芪一兩

懷山藥一兩

茯苓神各五錢

龍骨五錢

遠志三錢

桔梗錢半

木香錢半

甘草錢半

右藥爲末，每日服二錢，陳酒送下，如不能飲酒者，米湯亦可。

按韋君乃安慶人也，病延二載，所服之方，約數百劑，均不應效，特來申就醫，經

家祖連診五次，守方不更，共服十五劑而痊愈矣。長孫濟萬誌

關右 舊有脘痛，今痛極而厥，厥則牙關拘緊，四肢逆冷，不省人事，逾時而蘇，舌

薄膩，脈沉濇似伏，良由鬱怒傷肝，肝氣橫逆，痰滯互阻，胃降失和，肝脹則痛，氣閉

爲厥，木喜條達，胃喜通降，今擬疎通氣機，以泄厥陰，宣化痰滯，而暢中都。

銀州柴胡

錢半

大白芍

錢半

清炙草

五分

枳實炭

一錢

金鈴子

三錢

延胡索

一錢

川鬱金

錢半

沉香片

四分

春砂壳

八分

雲茯苓

三錢

陳廣皮

一錢

炒穀麥芽

各三錢

蘇合香丸

一粒(去壳研末化服)

二診

服藥兩劑。厥定痛止。惟胸脘飽悶。噯氣。不思納穀。腑行燥結。脈左弦右濇。厥氣漸平。脾胃不和。運化失其常度。今柔肝泄肝。和胃暢中。更當怡情適懷。以助藥力之不逮也。

全當歸

二錢

大白芍

二錢

銀州柴胡

一錢

雲茯苓

三錢

陳廣皮

一錢

炒枳壳

一錢

川鬱金

錢半

金鈴子

二錢

沉香片

四分

春砂壳

八分

全瓜蒌

四錢切

佛手

八分

炒穀麥芽

各三錢

黃媪

大怒之後。即胸脘作痛。痛極則喜笑不能自禁止。笑極則厥。厥則人事不知。牙關拘緊。四肢逆冷。逾時而甦。日發十餘次。脈沉濇似伏。苔薄膩。此鬱怒傷肝。足厥陰之逆氣自下而上。累及手厥陰經。氣閉則厥。不通則痛。氣復返而甦。經所

謂大怒則形氣絕。而血菀於上。使人薄厥。是也。急擬疎通氣機。以泄厥陰。止痛在是。止厥亦在是。未敢云當明哲裁正。

川鬱金 二錢

合歡皮 錢半

金鈴子 二錢

延胡索 一錢

硃茯神 三錢

炙遠志 一錢

青龍齒 三錢

沉香片 五分

春砂仁 八分研

陳廣皮 一錢

煨瓦楞 四錢

金器 一具入煎

蘇合香丸 二粒 (去壳研末開水先化服)

二診 投劑以來。痛厥喜笑均止。惟胸脘痞悶。噯氣不能飲食。脈象左弦右濇。厥氣雖平。脾胃未和。中宮運化無權。今擬泄肝通胃。開曠氣機。更當適情怡懷。淡薄滋味。不致反復為要。

大白芍 錢半

金鈴子 二錢

代赭石 二錢煨

旋覆花 錢半包

硃茯神 三錢

炙遠志 一錢

仙半夏 二錢

陳廣皮 一錢

春砂仁 八分研

製香附 錢半

川鬱金 錢半

佛手 八分

炒穀麥芽 各三錢

沈右 操煩謀慮。勞傷乎肝。肝無血養。虛氣不歸。脘痛喜按。驚悸少寐。前方泄肝

理氣已服多劑均無效。今仿金匱肝虛之病。補用酸。助用苦。益以甘藥調之。

大白芍三錢

炙甘草一錢

金鈴子二錢

炒棗仁三錢

五味子四分

阿膠珠二錢

左牡蠣三錢

青龍齒三錢

炙遠志一錢

硃茯神三錢

潞黨參錢半

陳皮一錢

飴糖四錢

黎石

脇乃肝之分野。肝氣入絡。脇痛偏左。轉側不利。胸悶納少。甚則泛噁。自冬

至春。痛勢有增無減。先哲云。暴痛在經。久痛在絡。仿肝着病例治之。

旋覆花錢半包

真新絳八分

大白芍二錢

金鈴子二錢

左金丸七分

橘白絡各一錢

炒竹茹一錢

春砂壳八分

當歸鬚錢半

絲瓜絡二錢

川鬱金錢半

紫降香四分

少腹痛案

董左

少腹為厥陰之界。新寒外束。厥氣失於疏泄。宿滯互阻。陽明通降失司。少

腹作痛拒按。胸悶泛噁。臨晚形寒身熱。小溲短赤不利。舌苔膩黃。脈象弦緊而數。

厥陰內寄相火。與少陽為表裏。是內有熱而外反寒之徵。寒熱夾雜。表裏並病。延經兩候。病勢有進無退。急擬和解少陽。以洩厥陰。流暢氣機。而通陽明。

軟柴胡 八分 黑山梔 錢半 清水豆卷 八錢 京赤芍 錢半 金鈴子 二錢

延胡索 一錢 枳實炭 錢半 炒竹茹 錢半 陳橘核 四錢 福澤瀉 錢半

路路通 錢半 甘露消毒丹 五錢包煎

復診 前投疎泄厥少。通暢陽明。已服兩劑。臨晚寒熱較輕。少腹作痛亦減。惟胸悶不思納穀。腑氣不行。小溲短赤。溺時管痛。苔薄膩黃。脈弦緊較和。肝失疎泄。胃失降和。氣化不及。州都膀胱之濕熱壅塞。溺竅也。前法頗合病機。仍從原意擴充。

柴胡梢 八分 清水豆卷 八錢 黑山梔 二錢 陳橘核 四錢 金鈴子 二錢

延胡索 一錢 路路通 錢半 方通草 八分 福澤瀉 錢半 枳實炭 一錢

炒竹茹 錢半 葶薺梗 錢半 滋腎通關丸 三錢包煎

鈕右 經行忽阻。少腹痛拒按。痛引腰跨。腰腹屈而難伸。小溲不利。苔薄膩。脈弦

濇良由蓄瘀積於下焦。肝脾氣滯不通則痛。急擬疎氣通瘀。可望通則不痛。

全當歸二錢 紫丹參二錢 芫蔚子三錢 撫芎八分 川棟子二錢

延胡索一錢 製香附錢半 大砂仁八分研 生蒲黃三錢(包) 五靈脂錢半

兩頭尖錢半酒浸包 琥珀屑八分(冲服)

溫右 病本濕溫。適值經行。寒涼鬱遏。濕濁阻於中宮。舊瘀積於下焦。以致少腹作痛。小溲淋瀝不利。胸痞泛噁。不能納穀。舌苔灰膩。脈左弦濇。右濡緩。病情夾雜。最難着手。急宜通氣去瘀。苦降淡滲。

藿香梗錢半 仙半夏二錢 姜川連五分 兩頭尖錢半 淡吳萸三錢

赤茯苓三錢 枳實炭一錢 延胡索一錢 生蒲黃三錢(包) 藏紅花八分

五靈脂錢半 福澤瀉錢半 葶薺梗錢半 滋腎通關丸三錢(包煎)

吉左 風冷由臍而入。引動寒疝。臍腹攻痛。有形積塊如拳。形寒怯冷。腸鳴不能飲食。舌苔白膩。脈象弦緊。陽不運行。濁陰凝聚。急宜溫通陽氣。而散寒邪。

桂枝心各三分 炒白芍錢半 金鈴子二錢 延胡索一錢 熟附塊錢半

小茴香八分 大砂仁一錢研 台烏藥錢半 雲茯苓三錢 細青皮一錢

陳橘核四錢 淡吳萸四分 枸橘一枚打

蟲痛案

龔童 腹痛有年。陡然而來。截然而止。面黃肌瘦。舌光無苔。脈象虛弦。此脾虛生濕。濕鬱生蟲。蟲日積而脾愈傷。脾愈傷而蟲愈橫也。當崇土化濕。酸苦殺蟲。以蟲得酸則伏。得苦則安之故。

生白朮錢半 雲茯苓三錢 大白芍二錢 烏梅肉五分 金鈴子二錢

陳廣皮一錢 使君肉三錢 陳鶴虱二錢 白雷丸錢半 開口花椒十粒

按蟲痛一症。孩童最多。其別即在面黃與陣作之間。此方屢試屢效。惟隨症之新久。病之虛實。而加減施用。使初起者。可去白朮。白芍。加蕪夷錢半。延胡索一錢。重在殺蟲。以其脾胃尙未傷也。孫濟萬誌。

此藥專治... 凡患此症者...

神公... 宜... 宜... 宜...

... 宜... 宜... 宜...

... 宜... 宜... 宜...

... 宜... 宜... 宜...

... 宜... 宜... 宜...

... 宜... 宜... 宜...

... 宜... 宜... 宜...

... 宜... 宜... 宜...

... 宜... 宜... 宜...

... 宜... 宜... 宜...

... 宜... 宜... 宜...

孟河丁氏醫案卷五

消渴案

尹左 診脉左三部弦數。右三部滑數。太谿細弱。跌陽濡數。見症飲食不充肌膚神疲乏力。虛里穴動。自汗盜汗。頭眩眼花。皆由陰液虧耗。不能涵木。肝陽上僭。心神不得安寧。虛陽逼津液而外泄。則多汗。消灼胃陰。則消穀。頭面烘熱。汗後畏冷。營虛失於內守。衛虛失於外護。故也。脉數不減。頗慮延成消症。姑擬養肺陰以柔肝木。清胃陽而寧心神。俾得陰平陽秘。水升火降。方能漸入佳境。

大生地 四錢

抱茯神 三錢

潼蒺藜 三錢

川貝母 二錢

浮小麥 四錢

生白芍 錢半

左牡蠣 四錢

熟女貞 三錢

天花粉 三錢

肥玉竹 三錢

花龍骨 三錢

冬蟲夏草 二錢

五味子 三分

二診 心為君主之官。肝為將軍之官。曲運勞乎心。謀慮勞乎肝。心肝之陰既傷。

心肝之陽上亢。消灼胃陰。胃熱熾盛。飲食入胃。不生津液。既不能灌溉於五臟。又不能輸運於筋骨。是以飲食如常。足膝軟弱。汗爲心之液。心陽逼津液而外泄。則多汗。陰不斂陽。陽升於上。則頭部眩暈。面部烘熱。且又心悸。胃之大絡名虛里。虛里穴動。胃虛故也。脉象左三部弦數。右三部滑數。太谿細弱。跌陽濡數。唇紅舌光。微有苔意。一派陰液虧耗。虛火上炎之象。此所謂獨陽不生。獨陰不長也。必須地氣上升。天氣始得下降。今擬滋養肺陰。以柔肝木。蒸騰腎氣。而安心神。務使陰陽和協。庶成既濟之象。

北沙參三錢

抱茯神三錢

五味子三分

肥玉竹三錢

天麥冬各二錢

左牡蠣四錢

生白芍二錢

川貝母二錢

大生地四錢

花龍骨三錢

潼蒺藜三錢

製黃精三錢

浮小麥四錢

金匱腎氣丸包四錢

三診 飲食入胃。不生津液。始不爲肌膚。繼不爲筋骨。書謂食休見證。已著前章矣。陰液虧耗。肝陽上僭。水不制火。火不歸宅。兩進養肺陰。以柔肝木。益腎陰。而安

心神之劑。尙覺合度。診脉弦數較和。細數依然。仍守原意出入。俾得陰陽和協。水火既濟。則入胃之飲食。自能生化精微。灌溉於五臟。灑陳於六腑。第是恙延已久。斷非能剋日奏功也。

照前方去金匱腎氣丸。五味子。製黃精。加淮山藥三錢。鹽水炒杜仲三錢。上桂心四分。

何左 多飲爲上消。多食爲中消。多溲爲下消。經云。二陽結之謂消。金匱云。厥陰之爲病。爲消。皆由陰分不足。厥陰之火消灼胃陰。津少上承。擬育陰生津法。

大麥冬三錢 川石斛三錢 瓜萸皮二錢 北秫米三錢包 大生地四錢

天花粉三錢 淮山藥三錢 川貝母二錢 金匱腎氣丸三錢包

南北沙參各三錢 生甘草六分

邱左 上消多渴。下消多溲。上消屬肺。下消屬腎。肺腎陰傷。胃火內熾。治火無益。宜壯水之主。以制陽光。

孟河丁氏醫案卷五

腫脹概論附案

靈樞脹論。謂五藏六腑。皆各有脹。諸脹者。皆因厥氣在下。營衛留止。寒氣逆上。真邪相攻。兩氣相搏。乃合而爲脹也。故凡治脹病。必會通聖經諸條之旨。然後能識臟腑之部分。邪氣之盛衰。蓋名曰厥氣者。逆氣也。寒氣濁陰也。逆氣下塞。濁陰上千。衛氣滯留。營血凝止。營衛不調。寒邪得以乘虛而入。真邪相持。互結不解。臟虛邪卽入臟。腑虛邪卽入腑。故有五臟六腑諸脹之見症。治法分別列後。

心脹者。煩心短氣。臥不安。心爲君主之官。神明出焉。寒邪來犯。心陽鬱遏。陰陽交戰。則短氣。火被水剋。爲心煩。心腎不交。則臥不安也。當宜發揚神明。以安心臟。俾離火空照。則陰翳自散。

川桂枝四分

光杏仁三錢

生甘草五分

硃茯神三錢

酸棗仁三錢

紫丹參 二錢

炙遠志 一錢

川鬱金 錢半

琥珀屑 六分 冲服 姜皮 五分

沉香片 四分

硃燈心 二札

肺脹者。虛滿而喘咳。肺為至高之臟。位主上焦。職司清肅。寒客於肺。肺氣壅塞。清肅之令。不得下行。先哲云。喘咳之為病。在肺為實。在腎為虛。此肺金之實喘也。擬溫肺散寒。射干麻黃湯加減。如寒包熱者。麻杏石甘湯治之。

淨麻黃 四分

嫩射干 八分

光杏仁 三錢

生甘草 六分

象貝母 三錢

仙半夏 二錢

薄橘紅 八分

桑白皮 二錢

炙欬冬 錢半

瓜蒌皮 二錢

清水炒枇杷葉 二錢 去毛包

脾脹者。善噦。四肢煩倦。體重不能勝衣。臥不安。脾為太陰而主四肢。脾弱生溼。溼阻中宮。真陽不運。土德日衰。寒邪乘之。濁陰凝聚。而為噦。為體重。為煩倦也。脾與胃為表裏。脾病胃亦病。胃不和則臥不安。擬溫運太陰。而化濕濁。

熟附片 錢半

生白朮 錢半

炮姜炭 八分

雲茯苓 三錢

仙半夏 二錢

青陳皮 各一錢

大砂仁 八分

炒薏仁 八錢

炒穀麥芽 各三錢

製川朴 一錢

肝脹者。脇下滿而痛引少腹。脇乃肝之分野。少腹乃厥陰之界。寒客厥陰。木失條達。厥氣橫逆。鴟張。故脇滿而少腹痛也。宜疎泄厥氣。而散寒邪。

軟柴胡 一錢

炒赤白芍 各錢半

金鈴子 二錢

玄胡索 一錢

細青皮 一錢

春砂壳 八分

川鬱金 錢半

廣木香 六分

青橘葉 錢半

小茴香 八分

台烏藥 一錢

江枳壳 一錢

腎脹者。腹滿引背。央央然。腰髀痛。腎為水藏。腰為腎府。寒着於腎。下元虛寒。真陽埋沒。陰邪充斥。故腹滿而腰髀痛也。擬溫腎助陽。而驅濁陰。俾得陽光普照。則陰霾自消。

熟附塊 錢半

生白朮 二錢

西秦艽 二錢

川牛膝 三錢

厚杜仲 三錢

補骨脂 錢半

青陳皮 各一錢

台烏藥 一錢

小茴香 一錢

廣木香 六分

嫩桑枝四錢 生姜三片

胃脹者。胃脘痛。鼻聞焦臭。妨於食。大便難。胃爲陽土。主司出納。寒邪乘之。胃氣不通。不通則痛。胃既受病。水穀停滯中宮。欲化不化。反變敗濁。故鼻聞焦臭。而妨礙飲食也。穀氣不行。陽不通達。受盛傳導。皆失所司。故大便難。與腑實便閉者不同。擬平胃散合脾約麻仁丸加減。

製蒼朮一錢 製川朴一錢 陳廣皮一錢 細青皮一錢 江枳壳一錢

大砂仁八分研 廣鬱金錢半 全瓜萸三錢切 脾約麻仁丸五錢(包)

廣木香四分

大腸脹者。腸鳴而痛。濯濯。冬日重感於寒。則殮泄不化。大腸爲傳導之官。變化糟粕而出焉。寒客大腸。變化無權。清濁混淆。則生殮泄。虛寒氣滯。則腸鳴而痛。濯濯也。宜溫中化濁。分利陰陽。

熟附塊八分 炮姜炭六分 生白朮二錢 廣木香八分 陳廣皮一錢

猪茯苓各三錢 大砂仁一錢研 製小朴八 大腹皮二錢 六神麪三錢

小腸脹者。少腹臃脹。引腰而痛。小腸為受盛之官。化物出焉。位居胃之下口。大腸之上口。寒客小腸。物無由化。水液不得滲於前。糟粕不得歸於後。故為少腹臃脹。引腰而痛。小澼必不利也。宜通幽化濁。滑利二便。

細青皮 錢半 赤茯苓三錢 台烏藥一錢 細木通 錢半酒炒 瓜萋仁三錢研

車前子二錢 廣木香六分 江枳壳二錢 青橘葉 錢半 光杏仁三錢

生姜三片

膀胱脹者。少腹滿而氣癢。膀胱為州都之官。津液藏焉。氣化則能出矣。寒客膀胱。濕鬱下焦。氣化不及州都。水道窒塞不通。故少腹滿而氣癢。即今之癢閉也。宜開啟上閘。以通下源。如壺挈蓋之意。

苦桔梗二錢 光杏仁三錢 雲茯苓三錢 細木通八分 車前子三錢

瞿麥穗二錢 冬葵子四錢 懷牛膝二錢 滋腎通關丸三錢包

葶藶三錢

三焦脹者。氣滿於皮膚中。輕輕然而不堅。三焦即膜原。為決瀆之官。水道出焉。寒氣逆於三焦。決瀆失職。氣與水逆走腠理。其水不得從膀胱而泄。氣本無形。水質不堅。故氣滿於皮膚中。輕輕然而不堅。與膚脹等耳。當行氣利水。五苓五皮加減。

川桂枝五分

生白朮錢半

桑白皮二錢

鮮姜皮一錢

陳廣皮一錢

赤猪苓各三錢

江枳壳一錢

福澤瀉錢半

大腹皮二錢

廣木香六分

冬瓜皮

一兩煎湯代水

胆脹者。脇下痛脹。口中苦。善太息。胆為中正之官。決斷出焉。惟其氣血皆少。為清淨之府。而內寄相火。寒客於胆。胆與肝為表裏。胆病而肝亦病。胆汁上溢。故口苦。肝氣拂鬱。故脇痛脹。善太息也。擬和解樞機。而洩厥氣。

柴胡一錢

當歸二錢

白芍錢半

梔子皮

錢半

白蒺藜三錢

雲苓三錢

陳皮一錢

枳壳一錢

合歡皮

二錢

川鬱金錢半

佛手八分

由是觀之。五臟六腑之脹。屬寒者多。而屬熱者少。屬實者多。而屬虛者少。中滿分消。治寒脹也。丹溪小溫中丸。治熱脹也。金匱工在疾下。治實脹也。濟生腎氣。治虛脹也。為司命之職。苟不辨明清切。而籠統處方。豈不自欺欺人乎。

腫脹案

朱女 痧子後。因穀食不謹。積滯生濕。濕鬱化熱。阻於膜原。太陰失健運之常。陽明乏通降之職。遂致脘腹膨脹。小溲不利。咳嗽氣喘。面目虛浮。身熱肢腫。苔乾膩而黃。脈弦滑。右甚於左。腫脹之勢漸著。急擬疏上焦之氣機。通中宮之濕滯。去其有形。則無形之熱。自易解散。

淡豆豉 三錢

黑山梔 錢半

枳實炭 錢半

光杏皮 三錢

川貝母 三錢

桑白皮 二錢

陳廣皮 一錢

大腹皮 二錢

萊菔子 二錢

福澤瀉 錢半

雞金炭 二錢

茯苓皮 三錢

冬瓜子皮 各三錢

程女 肺有伏風。痰氣壅塞。脾有濕熱。不能健運。以致咳嗽氣逆。面浮四肢腫。食入腹脹有形。小溲不利。苔薄膩。脈浮滑。勢成腫脹。急擬疏風宣肺。運脾逐濕。庶免加劇耳。

紫蘇葉一錢

青防風一錢

光杏仁三錢

象貝母三錢

連皮苓四錢

陳廣皮一錢

桑白皮二錢

大腹皮二錢

萊菔子三錢炒研
枳實炭一錢

漢防己三錢

冬瓜子皮各三錢

徐右

產後二月餘。遍體浮腫。頸脈動時咳。難於平臥。口乾欲飲。大腹脹滿。小溲短赤。舌光紅無苔。脈虛弦而數。良由營陰大虧。肝失涵養。木尅中土。脾不健運。陽水濕熱。日積月聚。上射於肺。肺不能通調水道。下輸膀胱。水濕無路可出。泛濫橫溢。無所不到也。脈症參合。剛劑尤忌。急擬養肺陰以柔肝木。運中土而利水濕。冀望應手。庶免凶危。

南北沙參各三錢

連皮苓四錢

生白朮二錢

清炙草五分

懷山藥 三錢

川石斛 三錢

陳廣皮 一錢

桑白皮 二錢

川貝母 三錢

甜光杏 三錢

大腹皮 二錢

漢防己 三錢

冬瓜子皮 各三錢

生苡仁 五錢

另用冬瓜汁溫飲代茶

二診 服藥三劑。小溲漸多。水濕有下行之勢。遍體浮腫。稍見輕減。而咳嗽氣逆。不能平臥。內熱口乾。食入之後。脘腹飽脹益甚。舌光紅。脈虛弦帶數。皆由血虛陰虧。木火上升。水氣隨之逆肺。肺失肅降之令。中土受木所侮。脾失健運之常也。仍宜養金制木。崇土利水。使肺金有治節之權。脾土得砥柱之力。自能通調水道。下輸膀胱。而水氣不致上逆矣。

南北沙參 各三錢

連皮苓 四錢

生白朮 二錢

清炙草 五分

川石斛 三錢

肥知母 錢半

川貝母 二錢

桑白皮 二錢

大腹皮 二錢

漢防己 二錢

炙白蘇子 錢半

甜光杏 三錢

冬瓜子皮 各三錢

鷄金炭 二錢

衛左 曝於烈日。暑氣內逼。居處潮濕。濕鬱滯阻。三焦決瀆無權。遂致脘腹脹滿。泛泛嘔噦。面浮肢腫。裏熱口乾。二便不通。皮色晦黃。苔灰膩。脈弦滑而數。此屬熱脹。先擬苦辛通降。泄上中之痞滿。

川雅連 五分

仙半夏 二錢

淡黃芩 一錢

枳實炭 錢半

製小朴 一錢

大腹皮 二錢

連皮苓 四錢

福澤瀉 錢半

萊菔子 三錢炒研
鮮藿香 錢半

西茵陳 錢半

六神麴 三錢

金童 初病春溫寒熱。經治已愈。繼因停滯。引動積濕。濕鬱化水。復招外風。風激水而橫溢泛濫。以致遍體浮腫。兩目合縫。氣逆不能平臥。大腹脹滿。囊腫如升。腿腫如斗。小溲澀少。脈象浮緊。苔白膩。此為風水重症。急擬開鬼門。潔淨府。

紫蘇葉 一錢

青防風 一錢

川桂枝 五分

連皮苓 四錢

福澤瀉 錢半

陳廣皮 一錢

大腹皮 二錢

水炙桑葉 二錢

淡姜皮 五分

鷄金炭 錢半

萊菔子 二錢炒研

二診 遍體浮腫。咳嗽氣急。難於平臥。大腹脹滿。小溲不利。囊腫腿腫如故。苔白膩。脈浮緊而弦。良由脾陽不運。積滯內阻。水濕泛濫橫溢。灌浸表裏。無所不到也。恙勢尙在重途。還慮易進難退。再擬汗解散風。化氣利水。俾氣化能及州都。則水濕斯有出路。

淨麻黃 四分

川桂枝 六分

連皮苓 四錢

生白朮 錢半

猪苓 二錢

澤瀉 錢半

陳皮 一錢

大腹皮 二錢

水炙桑葉 二錢

漢防己 二錢

萊菔子 三錢

炒研 淡姜皮 五分

三診 連投開鬼門潔淨府之劑。雖有汗不多。小溲漸利。遍體浮腫不減。咳嗽氣逆如故。大腹脹滿。舌白膩。脈浮緊。良由中陽受傷。脾胃困頓。陽氣所不到之處。即水濕灌浸之所。大有水浪滔天之勢。尙在重險一途。今擬麻黃附子甘草湯。合真武五苓五皮。複方圖治。大病如大敵。猶兵家之總攻擊也。然乎否乎質之高明。

淨麻黃 四分

熟附塊 一錢

生甘草 五分

猪雲苓 各三錢

川椒目 二十粒

川桂枝六分

生白朮錢半

福澤瀉錢半

陳廣皮一錢

大腹皮二錢

水炙桑皮二錢

淡姜皮五分

漢防己二錢

外以熱水袋熨體。助陽氣以蒸汗。使水氣從外內分消也。

四診 服複方後。汗多小溲亦暢。浮腫漸退。氣逆咳嗽漸平。大有轉機之兆。

自覺腹內熱氣蒸蒸。稍有口乾。是陽氣內返。水濕下趨之佳象。不可因其口乾。遽

謂寒已化熱。而改弦易轍。致半途盡廢前功也。仍守原法。毋庸更章。

原方如生熟苡仁各三錢

五診 遍體浮腫。十去五六。氣逆亦平。脈緊轉和。水濕已得分消。惟脾不健運。食

入難化。易於便溏。口乾欲飲。脾不能為胃行其津液。輸潤於上。不得據為熱象也。

今制小其劑。溫腎助陽。運脾利水。去疾務盡之意。

熟附塊一錢

生白朮二錢

生甘草五分

茯苓各三錢

炒補骨脂錢半

川桂枝五分

福澤瀉錢半

陳廣皮一錢

大腹皮二錢

水炙桑皮二錢

淡姜皮五分

生熟苡仁各三錢

冬瓜子皮各三錢

六診 遍體浮腫。已退八九。氣逆咳嗽亦平。飲食亦覺漸香。諸病已去。正氣暗傷。脾土未健。神疲肢倦。自汗蒸蒸。有似虛寒之象。今擬扶其正氣。調其脾胃。佐化餘濕。以善其後。

炒潞黨參二錢

熟附片八分

生白朮二錢

雲茯苓三錢

清炙草五分

陳廣皮一錢

大砂仁八分研

炒補骨脂錢半

炒穀麥芽各三錢

生熟苡仁各三錢

冬瓜子皮各三錢

福澤瀉錢半

生姜二片

紅棗四枚

關左 暴腫氣急。小溲短赤。口渴欲飲。脈浮滑而數。此外邪壅肺。氣道不通。風水為患。風為陽邪。水為陽水。風能消穀。故胃納不減也。擬越婢湯加味。

淨麻黃四分

熟石膏三錢

生白朮錢半

光杏仁三錢

肥知母錢半

茯苓皮三錢

大腹皮二錢

桑白皮二錢

冬瓜子皮各三錢

淡姜皮五分

林左 年近花甲。思慮傷脾。脾陽不運。濕濁凝聚。以致大腹脹滿。鼓之如鼓。小洩清白。脈象沉細。脾為太陰。濕為陰邪。當以溫運分消。

熟附子塊一錢 淡乾姜八分 生白朮三錢 廣陳皮一錢 製川朴一錢

大腹皮二錢 鷄金炭錢半 炒穀芽四錢 陳葫蘆瓢四錢 清炙草五分

二診 前進溫運分消之劑。臍腹脹滿略鬆。納穀減少。形瘦神疲。小洩清長。腑行不實。脈沉細。良由火衰不能生土。中陽不運。濁陰凝聚。鼓之如鼓。中空無物。即無形之虛氣散逆。而為滿為脹也。仍擬益火消陰。補虛運脾。亦經旨塞因塞用之意。

炒潞黨參三錢 熟附子錢半 淡乾姜八分 清炙草五分 陳廣皮一錢

大砂仁八分研 陳葫蘆瓢四錢 葫蘆巴錢半 炒補骨脂錢半 煨益智錢半

三診 臍腹脹滿較前大減。小洩微黃。自覺腹內熱氣烘蒸。陽氣內返之佳象。脈沉未起。形肉削瘦。仍宜益火之原。以消陰翳。俾得離照當空。則濁陰自散。

炒潞黨參三錢 熟附子錢半 淡乾姜八分 清炙草八分 陳廣皮一錢

大砂仁八分研 炒淮藥三錢 炒補骨脂錢半 胡蘆巴錢半 煨益智錢半

小茴香八分 焦穀芽四錢 陳葫蘆瓢四錢

陳左 大腹膨脹。鼓之如鼓。臍突青筋顯露。形瘦色痿。脈沉細。舌無苔。良由脾胃之陽大傷。虛氣散逆。陽氣不到之處。即濁陰凝聚之所。閱前方均用理氣消脹之劑。脹勢有增無減。病延一載。虛脹無疑。姑仿經旨塞因塞用之法。冀望應手為幸。

炒潞黨參三錢 熟附塊一錢 淡乾姜六分 清炙草六分 連皮苓四錢

陳廣皮一錢 炒補骨脂錢半 胡蘆巴錢半 金液丹一錢(每早空心吞服)

陳葫蘆瓢三錢

傅左 宦途失意。憂思傷脾。運行無權。肝木來侮。濁氣在上。則生腹脹。大腹脹滿。自秋至冬。日益加劇。動則氣逆。小溲涓滴難通。青筋顯露。足腫不能步履。口燥欲飲。舌紅絳。脈細數。疊進六君。五皮。腎氣等劑。病勢不減。已入危篤。一途。勉擬養金。

制木。運脾化氣。亦不過盡心力而已。

南北沙參 各三錢

連皮苓 四錢

生白朮 三錢

懷山藥 三錢

左牡蠣 四錢

花龍骨 三錢

川貝母 三錢

甜光杏 三錢

漢防己 二錢

鮮冬瓜汁 冲服二兩

滋腎通關丸 錢半包煎

另單方。每日蝦士蟆二錢。泛水如銀耳狀煎服。連蟆肉食之。如法食兩天後。即小溲暢行。且時時頻轉矢氣。腫脹漸消。按蝦士蟆為益腎利水之品。故能應效。洵治虛脹之妙品也。孫濟萬誌。

文右

舊有脘痛。繼則腹滿作脹。食入難化。面黃溺少。此肝氣拂鬱。木乘土位。濕熱濁氣。凝聚於膜原之間。三焦氣機流行窒塞。書所謂濁氣在上。則生膜脹是也。兩關脈弦。寸部鬱滯。急擬疏肝解鬱。運脾逐濕。

銀州柴胡 一錢

生白朮 二錢

枳實炭 一錢

連皮苓 四錢

陳廣皮 一錢

大腹皮 二錢

黑山梔 錢半

帶壳砂仁 八分

冬瓜皮 三錢

鷄金炭 錢半

炒穀麥芽各三錢

小溫中丸三錢每早吞服

楊左 形瘦色蒼。木火體質。抑鬱不遂。氣阻血痺。與濕熱凝聚膜原。始則裏熱口乾。繼而大腹脹硬。自夏至秋。日益脹大。今已臍突紅筋顯露。納穀衰少。大便色黑。小溲短赤。舌灰黃。脈弦數。此血臟之重症也。氣為血之先導。血為氣之依附。氣滯則血凝。氣通則血行。先擬行氣去瘀。清熱化濕。然恙根已深。非旦夕所能圖功者也。

銀州柴胡 一錢

生香附 二錢

連皮苓 四錢

紫丹參 二錢

粉丹皮 錢半

京赤芍 二錢

藏紅花 八分

當歸尾 三錢

絳通草 八分

黑山梔 錢半

澤蘭葉 錢半

青甯丸 三錢包

孟河丁氏醫案卷五

脚氣案

何左 溼濁之氣。從下而受。由下及上。由經絡而入臟腑。太陰健運失常。陽明通降失司。腿足浮腫。大腹脹滿。胸悶氣逆。不能平臥。面色灰黃。脉左弦右濡滑。脚氣冲心重症。脚氣謂之壅疾。急擬逐溼下行。

紫蘇梗 錢半

連皮苓 五錢

陳木瓜 五錢

苦桔梗 一錢

海南子 三錢

陳廣皮 三錢

漢防己 三錢

淡吳萸 錢半

生熟苡仁 各五錢

福澤瀉 二錢

連皮生薑 三片

二診 昨進逐溼下行之劑。大便先結後溏。氣逆略平。而大腹脹滿。腿足浮腫。依然如舊。面無華色。舌苔白膩。脉左弦細。右濡滑。蘊溼由下而上。由經絡而入臟腑。脾胃運化無權。脚氣重症。還慮冲心之變。前法既獲效機。仍守原意出入。

照前方加川牛膝三錢冬瓜皮五錢

三診 腿足腫略減。兩手背亦腫。大腹脹滿雖鬆。胸悶氣升。難以平臥。身熱不壯。口乾且苦。面無華色。舌苔薄膩微黃。脉象濡小而滑。脾主四肢。脾弱水溼泛濫。濁氣上干。肺胃之氣。失於下降。恙勢尙在重途。未敢輕許不妨。再仿五苓合鷄鳴散加減。逐溼下行。

川桂枝 五錢

福澤瀉 二錢

陳木瓜 三錢

大腹皮 三錢

酒炒黃芩 八分

猪苓 三錢

川牛膝 二錢

淡吳萸 八分

連皮苓 五錢

陳皮 三錢

冬瓜皮 五錢

漢防己 三錢

生熟苡仁 各五錢

連皮生姜 三片

四診 脚氣腫勢減。大腹脹滿亦鬆。小溲漸多。水溼有下行之勢。身熱時輕時劇。口苦且乾。面無華色。舌苔膩黃。脉象濡小而滑。濁氣留戀膜原。脾胃運化無權。能得不增他變。可望轉危爲安。脚氣壅疾。雖虛不補。仍宜五苓合鷄鳴散加減。逐溼下行。運脾分消。

前方去吳萸加地枯蘿三錢

五診 腫勢大減。大腹脹滿漸鬆。小溲漸多。水溼有下行之漸。納少噯氣。且見欬嗽。舌苔薄白而膩。脉象弦小而滑。濁氣聚於膜原。水溼未能盡化。太陰健運失常。陽明通降失司也。前法頗合。毋庸更張。

川桂枝六分

澤瀉錢半

大腹皮二錢

光杏仁三錢

連皮苓四錢

生熟苡仁各三錢

陳皮一錢

淡吳萸八分

陳木瓜三錢

連皮生姜三片 粉猪苓二錢

牛膝二錢

漢防己三錢

地枯蘿三錢

六診 腫勢十去七八。脹滿大減。小溲漸多。水溼濁氣已得下行。溝瀆通則橫流自減。理固然也。苔膩未化。納穀不旺。餘溼未楚。脾胃運化未能如常。去疾務盡。仍守前法。

前方去地枯蘿加生白朮錢半 冬瓜皮四錢

趙左

脚氣上衝入腹。危險之極。變生頃刻。勉方作萬一之幸。破釜沉舟。遲則無

濟矣。

熟附子 五錢

雲茯苓 八錢

陳木瓜 五錢

花楸榔 三錢

淡乾姜 三錢

生白朮 三錢

淡吳萸 二錢

黑錫丹 三錢

[Faint bleed-through text from the reverse side of the page, including characters like 生白朮, 淡吳萸, 黑錫丹, 陳木瓜, 花楸榔, 淡乾姜, 熟附子, 雲茯苓.]

孟河丁氏醫案卷五

黃疸案

朱右 溫病初愈。因飲食不謹。濕熱滯互阻中焦。太陰健運無權。陽明通降失司。

以致腕腹脹悶。不思納穀。一身盡黃。小溲短赤。如醬油色。苔薄膩黃。脈濡滑而數。黃疸已成。非易速痊。擬茵陳四苓合平胃加減。

西茵陳 錢半

連皮苓 四錢

猪苓 二錢

陳廣皮 一錢

黑山梔 二錢

福澤瀉 錢半

炒麥芽 三錢

製蒼朮 一錢

製川朴 一錢

六神麵 三錢

炒苡仁 三錢

陳左 喉痧之後。滋陰太早。致伏溫未發。蘊濕逗留募原。着於內而現於外。遂致

遍體發黃。目珠黃。溺短赤。身熱晚甚。渴喜熱飲。肢節痠疼。舉動不利。苔薄膩黃。脈濡數。溫少濕多。互阻不解。纏綿之症也。姑宜清宣氣分之溫。驅逐募原之濕。俾溫

從外達。濕從下趨。始是病之去路。

清水豆卷八錢 忍冬藤三錢 連翹壳三錢 澤瀉錢半 西茵陳錢半

黑山梔二錢 猪苓二錢 製蒼朮七分 粉葛根錢半 通草八分

鷄蘇散三錢包 甘露消毒丹八錢包煎

孔左 素體陰虛。濕從熱化。薰蒸鬱遏。與胃中之濁氣相併。遂致遍體發黃。目黃

溲赤。肢倦乏力。納穀減少。舌質淡紅。從陽疸例治之。

西茵陳二錢半 赤猪苓各三錢 通草八分 冬瓜皮四錢 黑山梔二錢

澤瀉錢半 飛滑石三錢 白茅根兩札去心 生白朮錢半 杜赤豆二兩

韓女 室女經閉四月。肝失疎泄。宿瘀內阻。水穀之溼逗留。太陰陽明厥陰三經

為病。始而少腹作痛。繼則腕脹納少。目黃溲赤。肌膚亦黃。大便色黑。現為黃疸。久

則恐成血臑。急宜運脾逐溼。祛瘀通經。

陳廣皮一錢 赤猪苓各三錢 杜紅花八錢 製蒼朮一錢 大腹皮二錢

桃仁泥錢半包

製川朴一錢

福澤瀉錢半

延胡索一錢

西茵陳二錢半

蘇木錢半

青甯丸二錢半吞服

高左

身熱旬餘。早輕暮重。夜則夢語如讖。神機不靈。遍體色黃。目黃溺赤。口乾欲飲。舌乾灰膩。脈象左弦數。右濡數。伏邪濕熱逗留募原。如蠶醬然。濕熱挾痰。易於蒙蔽清竅。清陽之氣失曠。加之呃逆頻頻。手足蠕動。陰液暗耗。衝氣上升。內風煽動。溼溫黃疸。互相為患。頗慮痙厥之變。急擬生津而不滋。化濕而不燥。清宣淡滲。通利三焦。勿使邪陷厥陰。是為要策。

天花粉三錢

硃茯神三錢

鮮石菖蒲一錢

黑山梔二錢

益元散三錢包

柿蒂十枚

嫩鈎鈎後入三錢

西茵陳二錢半

嫩白薇錢半

炒竹茹錢半

白茅根兩札去心

褚左

躬耕南畝。曝於烈日。復受淋雨。又夾食滯。溼着於外。熱鬱於內。遂致遍體發黃。目黃溲赤。寒熱骨楚。胸悶腕脹。苔膩佈。脈浮緊而數。急仿麻黃連翹赤豆湯

意。

淨麻黃四分

赤茯苓三錢

六神麩三錢

連翹壳三錢

枳實炭一錢

福澤瀉錢半

淡豆豉三錢

苦桔梗一錢

炒穀麥芽各三錢

西茵陳錢半

杜赤豆一兩

衛左 飢飽勞役脾胃兩傷溼自内生蘊於募原遂致肌膚色黃日黃洩赤肢倦乏方納穀衰少脈濡舌苔黃諺謂脫力黃病卽此類也已延兩載難許速效仿補力丸意緩緩圖之

炒全當歸一兩

烘雲茯苓一兩四錢

炒西秦艸一兩

大砂仁五錢

紫丹參一兩

鹽水炒淮牛膝一兩

炒六神麩一兩四錢

炒赤芍一兩

米泔水浸炒製蒼朮八錢

鹽水炒厚杜仲一兩

炒苡仁二兩

生晒西茵陳二兩

土炒白朮一兩

煨皂礬五錢

烘陳廣皮七錢

炒福澤瀉八錢

右藥各研爲細末，用大黑棗六兩煮熟去皮核，同藥末搗爛爲丸，晒乾，每早服三錢，開水送下。

麥左

嗜酒生溼，溼鬱生熱，熱在陽明，濕在太陰，薰蒸鬱遏，如蠶醬然，面目發黃，黃甚則黑，心中嘈雜，雖食甘香，如啖酸辣，小溲短赤，口乾而渴，此酒疸也。姑擬清解陽明之鬱熱，宣化太陰之蘊濕，使熱邪從肌表而解，濕邪從小便而出也。

粉葛根二錢

肥知母錢半

赤茯苓三錢

西茵陳三錢

黑山梔二錢

陳皮一錢

車前子三錢

天花粉三錢

枳椇子三錢

生苡仁一兩煎湯代水

刁左

抑鬱起見，肝病傳脾，脾不健運，溼自內生，與胃中之濁氣相併，下流膀胱，膀胱爲太陽之府，太陽主一身之表，膀胱溼濁不化，一身盡黃，小溲赤澀，食穀不消，易於頭眩，此穀疸也。治病必求於本，疎肝解鬱爲主，和中利溼佐之。

銀州柴胡一錢

雲茯苓三錢

大砂仁八分研

製蒼白朮各一錢

全當歸二錢

生熟穀芽各三錢

陳廣皮一錢

炒赤芍錢半

生熟苡仁各三錢

製川朴一錢

西茵陳錢半

炒車前子三錢

黑山梔二錢

任右

經閉三月。膀胱急。少腹滿。身盡黃。額上黑。足下熱。大便色黑。時結時澹。納

少神疲。脈象細澹。良由寒客血室。宿瘀不行。積於膀胱。少腹之間也。女勞疸之重症。非易速痊。古方用硝石礬石散。今仿其意。而不用其藥。

當歸尾二錢

雲茯苓三錢

藏紅花八分

帶壳砂仁八分研

京赤芍二錢

桃仁泥錢半包

肉桂心三分

西茵陳錢半

紫丹參二錢

青寧丸二錢半包

延胡索一錢

血餘炭一錢包

澤瀉錢半

周左

思慮過度。勞傷乎脾。房勞不節。勞傷乎腎。脾腎兩虧。肝木來侮。水穀之溼

內生。溼從寒化。陽不運行。胆汁為溼所阻。漬之於脾。浸淫肌肉。溢於皮膚。遂致一身盡黃。面目黧黑。小溲淡黃。大便灰黑。納少泛噁。神疲乏力。苔薄膩。脈沉細。陽虛

則陰盛。氣滯則血瘀。瘀溼下流大腸。故腑行灰黑而艱也。陰疽重症。纏綿之至。擬茵陳朮附湯加味。助陽運脾爲主。化濕祛瘀佐之。俾得離照當空。則陰霾始得解散。然乎否乎。質之高明。

熟附子塊

錢半 連皮苓

紫丹參

大砂仁

生白朮

廣陳皮

藏紅花

炒麥芽

西茵陳

製半夏

福澤瀉

炒薏仁

淡姜皮

金君 操煩鬱慮。心脾兩傷。火用不宣。脾陽困頓。胃中所入水穀。不生精微。而化爲溼濁。着於募原。溢於肌膚。以致一身盡黃。色晦而暗。納少神疲。便溏如白漿之狀。起自仲夏。至中秋後。臍腹膨脹。腿足木腫。步履艱難。乃土德日衰。肝木來侮。濁陰凝聚。水濕下注。陽氣不到之處。卽水溼凝聚之所。症情滋蔓。蔓難圖也。鄙見淺陋。恐不勝任。拙擬助陽驅陰。運脾逐溼。是否有當。尙希 教正。

熟附塊

連皮苓

西茵陳

淡乾姜

陳廣皮

葫蘆巴

錢半

米炒於朮

二錢

大腹皮

二錢

大砂仁

八分研

清炙草

五分

炒補骨脂

錢半

陳葫蘆瓢

四錢

金液丹

二錢吞服

按黃疸一門方案甚多祇錄十二案重複者去之復症者不錄如金君至家嚴處就診四五次方藥出入不多亦祇錄一案蓋金君號子久係大麻名醫家嚴直告之曰症屬不治謂先生早日回府靜養逾旬日竟不起惜哉中醫界又少一明星矣

男涵人誌

孟河丁氏醫案卷五

呃噎案

倪右 脉象左弦濇右濡滑。舌邊紅中薄膩。見證胸悶氣升。噎氣泛噫。食入作梗。痰多欬嗽。十餘日未更衣。月事八旬未止。良由營血虧虛。肝氣上逆。犯胃剋脾。溼痰逗留中焦。肺胃肅降失司。恙經匝月。豈能再使蔓延。急宜平肝通胃。順氣化痰。以觀動靜。

代赭石 三錢煨

左金丸 七分包

括蕁皮 二錢

薤白頭 一錢酒炒 雲茯苓 三錢

水炙遠志 一錢

川象貝 各二錢

旋覆花 錢半包

銀柴胡 八分

炒黑荆芥 八分

姜竹茹 一錢五分 仙半夏 二錢

佛手露 一錢冲服 炒穀麥芽 各三錢

王左

濕溫伏邪。內陷少陰。引動衝氣上擊。犯胃冲肺。肅降之令無權。氣喘呃逆。身熱不揚。舌苔薄膩。脉象左關弦小而促。右濡細。跌陽虛弦而數。太谿似有似無。

鄭聲神糊。時明時昧。正虛邪陷。神不守舍。顯然可見矣。厥脫之變。指顧間事。勉擬攝納衝氣。和胃安神。以為無法之法。或有效驗。亦未可知。

靈磁石 四錢煨

硃茯神 三錢

仙半夏 二錢

柿蒂 五枚

左牡蠣 四錢

炙遠志 一錢

炒竹茹 一錢五分

刀豆壳 三錢

花龍骨 三錢

陳廣皮 一錢

吉林參 一錢五分另煎汁沖服

黑錫丹 吞服八分

余左 高年營液本虧。肝氣易於上逆。胃失降和。昨日食後。呃逆頻頻。逾時而止。脉弦小而滑。舌光無苔。治肝宜柔。治胃宜通。姑以養陰柔肝為主。和胃順氣佐之。

吉林參鬚 一錢

雲茯苓 三錢

刀豆壳 三錢

生白芍 一錢五分

代赭石 二錢煨

合歡花 一錢五分

仙半夏 一錢五分

陳廣皮 一錢

全福花 錢半包

柿蒂 五枚

潼白蒺藜 各一錢五分

清炙枇杷葉 二錢去毛包

孟河丁氏醫案卷六

武進孟河丁澤周甘仁著

男元

彙錄

孫

濟萬編訂

濟華校讐

濟民校讐

疝氣案

陳左 厥陰之脈循陰器而絡睪丸。厥陰者肝也。肝失疏泄。溼熱下注。膀胱宣化失司。小溲夾濁。偏疝墜脹疼痛。苔膩脈濡數。經云諸液渾濁皆屬於肝。又云肝病善痛。是無形之厥氣。與有形之濕熱互相為患也。當宜疏泄厥氣。淡滲溼熱。

柴胡梢七分

延胡索一錢

路路通二錢

炒赤芍一錢五分 塊滑石三錢

赤茯苓三錢

車前子三錢

葶薺梗一錢五分 金鈴子二錢

陳橘核五枚 炙

粉草薺三錢

黑山梔一錢五分 細木通八分

枸橘一枚打

李左 濕火挾厥氣下注。勞動過度。偏疝墜脹疼痛。口乾內熱。小溲混濁。納穀不香。胸脘悶脹。脈弦數。苔膩而黃。脾胃清氣不能上升。小腸膀胱濁氣不得下降。肝氣失於疏泄。脾虛生濕。濕鬱生痰。痰火瘀凝。清不升而濁不降。然皆素體氣虛之所致也。姑宜健脾胃。清濕火。俾清氣自升。濁氣得降。

炒白朮二錢

赤茯苓三錢

陳廣皮一錢

陳橘核錢半

炒黃耆三錢

炒知母二錢

粉草薺三錢

荔枝核三錢

軟柴胡五分

酒炒黃柏一錢

小茴香五分

清炙草五分

又診 前進健脾胃。清濕火。偏疝略收。疼痛漸止。胸悶不舒。清氣有上升之象。濁氣有下降之勢。宜原方更進一籌。

原方去柴胡加金鈴子錢半延胡索五分

莫左 疝氣墜脹。腹痛筋急。泛泛作噁。甚則脘痛嘔吐。脈弦細。苔薄膩。中陽衰弱。

厥氣失於疎泄。姑擬大建中湯治之。

炒潞黨二錢 淡吳萸八分 金鈴子一錢五分 熟附片二錢 川花椒五分

延胡索八分 炮姜炭八分 姜半夏三錢 路路通一錢五分 絲瓜絡錢半

酒炒桑枝三錢

江左 高年氣虛。疝氣屢發。墜痕作痛。小溲短赤。睡則畧安。治宜補中氣。疎厥氣。以丸代煎。緩圖功效。

補中黃氣丸一兩 橘核丸二兩

每早晚各服二錢。開水送下。

黃左 勞倦奔走。元氣下陷。畢丸墜痕。不能行動。胸脘不舒。肝主筋。畢丸為筋之所聚。先健其中氣。俾得元氣上升。畢丸自能不墜。

炙黃耆三錢 炙升麻一錢 小茴香五分 炒潞黨三錢 柴胡梢五分

陳廣皮一錢五分 炒白朮三錢 清炙草五分 廣木香五分 橘核丸三錢

又診 墜痛已止。舉動亦便。前進補中益氣湯。甚為合度。仍守原法治之。

炙黃耆三錢

雲苓三錢

炙升麻六分

炒潞黨三錢

細青皮一錢五分

金鈴子一錢五分 清炙草五分

荔枝核三錢

延胡索五分

佛手柑八分

費左 偏疝墜痕作痛。頭內眩暈。泛泛作噁。厥氣失於疎泄。肝氣肝陽易於上升。

治宜清肝理氣。

金鈴子一錢五分 雲苓三錢

荔子核三錢

延胡索五分

姜半夏三錢

陳橘丸三錢 煨石決二錢

細青皮一錢五分 小茴香一錢一分 白蒺藜三錢

酒炒桑枝三錢

此方係清肝理氣之劑。治肝氣肝陽上升。偏疝墜痕作痛。頭內眩暈。泛泛作噁。厥氣失於疎泄。肝氣肝陽易於上升。治宜清肝理氣。藥用金鈴子一錢五分。雲苓三錢。荔子核三錢。延胡索五分。姜半夏三錢。陳橘丸三錢。煨石決二錢。細青皮一錢五分。小茴香一錢一分。白蒺藜三錢。酒炒桑枝三錢。

孟河丁氏醫案卷六

癰閉案

王左 三焦者。決瀆之官。水道出焉。上焦不宣。則下焦不通。以肺為水之上源。不能通調水道。下輸膀胱也。疎其源。則流自潔。開其上。而下自通。譬之沉竹管於水中。一指遏其上竅。則滴水不墜。去其指。則管無餘水矣。治癰閉不當如是乎。

苦桔梗一錢

帶皮杏仁三錢

赤茯苓三錢

六一散三錢包

炙升麻八分

黑山梔一錢五分黃柏一錢鹽水炒

知母一錢鹽水炒

鮮車前草汁二兩

肉桂心二分飯丸吞服

土牛膝根三錢

鮮藕汁二兩二味燉溫沖服

沈左

小溲頻數。少腹脹痛。經云。下焦絡腎屬膀胱。別於迴腸而滲入焉。此證少陰真火不充。太陽之寒水。轉為溼熱所阻。少陰無火。故小溲數而不暢。太陽為溼熱阻滯。故氣不通而脹痛。法當暖臟泄熱。冀火歸其源。水得其道。宜滋腎通關飲。

孟河丁氏醫案卷六

遺精案

陳左 精藏於腎。而主於心。精生於氣。而役於神。神動於中。精馳於下。遺泄已久。心悸頭暈。補精必安其神。安神必益其氣。宜益氣養陰。安神固泄。

炒潞黨參二錢 硃茯神三錢 大砂仁八分研 剪芡實三錢 清炙黃芪二錢

生棗仁三錢 川黃柏八分 熟女貞二錢 大熟地四錢 青龍齒四錢

桑螵蛸三錢 明天冬二錢 紫石英三錢 白蓮鬚一錢五分

王左 癸水不足。相火有餘。精關因而不固。始患遺泄。延及上源。更兼欬嗽。恙久根深。非易速痊。宜壯水之主。以制陽光。

明天冬一錢五分 抱茯神三錢 左牡蠣四錢 竹瀝半夏二錢 大生地三錢

黃柏炭八分 花龍骨三錢 炙遠志肉一錢 潞黨參三錢 帶壳砂仁八分

剪芡實 三錢

川象貝 各二錢

甜光杏 三錢

白蓮鬚 一錢五分

戴左

真陰不足。肝火客之。鼓其精房。乃病遺泄。內熱口燥。頭痛眩暈。擬育陰清

肝。固攝精房。

明天冬 一錢五分 黃柏炭 八分

左牡蠣 四錢

穉豆衣 三錢

大生地 三錢

春砂壳 八分

青龍齒 三錢

嫩鈎鈎 三錢 後入 南北沙參 各二錢

白蓮鬚 一錢五分

五所下丸劑案卷六

孟河丁氏醫案卷六

癥瘕案

杜右 腹部結塊。按之略疼。或左或右。內熱神疲。脈沉弦。苔薄膩。癥病屬臟。着而不移。瘕病屬腑。移而不着。中陽不足。脾胃素傷。血不養肝。肝氣瘀凝。脈症參合。病非輕淺。若僅用攻破。恐中陽不足。脾胃素傷。而致有臃滿之患。輾轉思維。殊屬棘手。姑宜香砂六君加味。扶養脾胃。冀其消散。

炒潞黨參 三錢

製香附 錢半

大棗 五枚

雲茯苓 三錢

春砂壳 五分

炙甘草 八分

炒白朮 二錢

陳廣皮 一錢

復診 前方服二十劑後。神疲內熱均減。瘕塊不疼略消。納穀漸香。中陽有來復之象。脾胃得生化之機。再宜前方進步。

炒潞黨參 三錢

炙甘草 八分

陳廣皮 一錢

雲茯苓 三錢

製香附 錢半

大腹皮 三錢

炒白朮 二錢

春砂壳 五分

炒穀芽 三錢

大紅棗 五枚

桂元肉 五粒

孫右

肝之積名爲肥氣。肝氣橫逆。有升無降。脇部作痛。按之有塊。泛泛作噁。頭內眩暈。納食衰少。多愁善鬱。症屬七情。非易圖怡。若能怡情悅性。更以藥石扶助。或可消散於無形。

軟柴胡 五分

金鈴子 錢半

製香附 錢半

全當歸 二錢

延胡索 五分

春砂壳 八分

炒白芍 三錢

細青皮 八分

廣木香 五分

失笑散 一錢五分

二診

泛泛作噁略止。脇部氣塊亦覺畧消。頭內眩暈。納食衰少。肝氣橫逆上升。則嘔噦。下鬱則痞塊作痛。再與平肝理氣。和胃暢中。

金鈴子 一錢五分

製香附 一錢五分

仙半夏 錢半

延胡索 五分

春砂壳 五分

陳廣皮 錢半

炒白芍 一錢五分

大腹皮 三錢

製小朴 八分

失笑散 一錢五分

姜右

經停四月。忽然崩漏。狀如小產。腹內作痛。泛泛嘔吐。形瘦骨立。納穀衰少。

脈象弦細而數。苔薄膩而灰。前醫疑是妊孕。疊投安胎之劑。參合脈症。肝脾兩虛。寒瘀停凝。夫肝藏血。脾統血。藏統失司。氣血不能循經而行。偶受寒氣。停於腹內。狀如懷孕。經所謂痼病是也。症勢沉重。非易圖治。急與培補氣陰。溫通寒淤。

炒潞黨二錢

熟附塊二錢

單桃仁一錢五分 炙黃耆三錢

炮姜炭一錢

杜紅花八分

炒白朮二錢

淡吳萸一錢

澤蘭一錢五分

大紅棗五枚

廣木香五分

此藥服三劑。崩漏腹痛均止。仍以前方去淡吳萸、桃仁、紅茶、澤蘭、加杞子、杜仲、川斷、共服十劑而愈。

王右 心下結塊。痛則嘔吐。噯氣不舒。納穀不多。素體氣陰兩虧。肝木用事。肝氣挾痰瘀阻於心下。經書所謂伏梁。卽此候也。治宜開清陽而化濁陰。平肝氣而化痰瘀。

金鈴子一錢五分 雲苓三錢

全當歸三錢

延胡索五分

姜川連三分

孟河丁氏醫案卷六

淋濁案

史左 溲濁淋瀝赤白。溺時管痛。溼勝於熱則為白。熱勝於溼則為赤。經云諸轉反戾。水液渾濁皆屬於熱。一則熱迫血分。一則濕鬱下焦。瘀精留滯中途。膀胱宣化失司。赤濁白濁所由來也。宜清肝火。滲溼熱。佐去瘀精。

龍膽草錢半 粉草薺三錢 細木通八分 黑山梔錢半 遠志肉一錢 滑石三錢

生草梢八分 粉丹皮錢半 琥珀屑三分沖 淡黃芩錢半 川雅連三分 通草八分

謝左 淋濁積年不愈。陰分已虧。而溼熱未楚。腎與膀胱為表裏。腎陰不足。不能潛伏元陽。致浮陽溢入膀胱。蘊成溼熱。宜育陰清化。緩圖功效。

大生地四錢 雲茯苓三錢 潼蒺藜三錢 山萸肉一錢五分 熟女貞二錢

粉丹皮一錢五分 黃柏炭八分 威靈仙二錢 福澤瀉一錢五分 淮山藥三錢

剪芡實二錢 猪脊髓二條酒洗

(毒症)

朱左 陰虛毒火上攻。喉疔腐爛。頭痛鼻塞。肢節痠楚。此為餘毒溼熱。留戀經絡所致。症勢纏綿。非易速痊。擬結毒紫金丹加減。育陰解毒。化溼通絡。

元武板四錢 甘中黃八分 連翹壳三錢 絲瓜絡二錢 生石決明八錢

胡黃連六分 寒水石三錢 仙遺糧四錢 硃茯神三錢 忍冬藤三錢

飛滑石三錢 五寶丹五分 五次開水送下

王左 脊背腰髀疼痛。牽及兩脇。屢進益氣去風。化濕通絡之劑。未見效機。今擬

土茯苓散。合金蟾脫壳煎加味。

土茯苓五錢 忍冬藤四錢 晚蠶沙三錢 西秦艽二錢 紫丹參二錢

五寶丹二分開水送獨活一錢 土貝母五錢 連翹壳三錢 鑽地風一錢五分

另乾蟾皮半張。陳酒半斤。浸酒內一週時。將酒燉溫服。服後睡一二小時。

孟河丁氏醫案卷六

便血案

施左 身熱六七日不退。大便膿血。脈鬱數苔黃。伏邪蘊蒸氣分。濕鬱化熱入營。血滲大腸。腸有瘀濁。大便膿血。職是故也。今擬白頭翁湯加味。清解伏邪。苦化濕熱。

白頭翁 三錢

炒黃芩 錢半

地榆炭 錢半

杜赤豆 五錢

北秦皮 錢半

炒赤芍 錢半

焦查炭 三錢

淡豆豉 三錢

川雅連 四分

炒當歸 二錢

炙甘草 五分

沈左 身熱不揚。大便膿血色紫。脈沉苔膩。脾為陰土之臟。統血之經。賴陽氣以運行。脾陽不健。瘀濁留戀。血不循經而下溢。經所謂陰絡傷。則血下溢是也。身熱不揚。陰盛而格陽於外也。當宜溫運脾陽。而化瘀濁。以冀火土相生。陽氣得以上

升。陰血不致下走矣。

肉桂心三分 炒於朮錢半 焦查炭三錢 熟附子八分 炮姜炭六分

陳廣皮一錢 炒當歸二錢 炙甘草五分 大砂仁八分 炒赤芍錢半

丁左 便血色紫。腑行不實。納穀衰少。此遠血也。近血病在腑。遠血病在臟。臟者肝與脾也。血生於心。而藏統之職。司於肝脾。肝為剛藏。脾為陰土。肝虛則生熱。熱逼血以妄行。脾虛則生寒。寒泣血而失道。藏統失職。血不歸經。下滲大腸。則為便血。便血之治。寒者溫之。熱者清之。肝虛者柔潤之。脾虛者溫運之。一方而擅剛柔溫清之長。惟金匱黃土湯最為合拍。今宗其法圖治。

土炒於朮錢半 阿膠珠二錢 炒條芩一錢五分 灶心黃土四錢荷葉包煎

陳廣皮一錢 炙甘草五分 炒白芍一錢五分 抱茯神三錢 炮姜炭五分

炙遠志一錢

葛左 腎陰不足。肝火有餘。小溲頻數。肛門墜脹。內痔便血。宜清養肺腎。取金水

相生之義。

細生地 三錢

西洋參 錢半

炒槐花 三錢包
硃燈心 二札

粉丹皮 二錢

大麥冬 二錢

京赤芍 二錢

臟連丸 八分包
黑山梔 錢半

生草梢 六分

淡竹茹 錢半

王左 內痔便血又發。氣虛不能攝血。血滲大腸兼溼熱內蘊所致。宜益氣養陰。

而化濕熱。

潞黨參 一錢五分 全當歸 二錢

荆芥炭 八分

杜赤豆 一兩

炙黃芪 二錢

大白芍 一錢五分 側柏炭 一錢五分 清艾草 六分

生地炭 三錢

槐花炭 三錢包

孫右 脾臟受寒。不能攝血。肝虛有熱。不能藏血。血滲大腸。腸內有熱。經事不調。

擬黃土湯。兩和肝脾。而化濕濁。

炮姜炭 八分

炒白芍 一錢五分 炒於朮 一錢五分 陳皮 一錢

阿膠珠 二錢

炙甘草 六分

灶心黃土 四錢包煎

復診 腸紅大減。未能盡止。經事愆期。胸悶納少。脾胃薄弱。運化失常。再擬和肝
脾化溼熱。佐以調經。

原方加大砂仁八分研。生熟穀芽各三錢。

肝與天白... 脾化溼熱... 佐以調經... 原方加大砂仁八分研。生熟穀芽各三錢。

天棗... 寒水石... 鱸魚... 黑山... 生草...

西... 煨... 煨... 煨...

此... 宜... 宜...

孟河丁氏醫案卷六

洩血案

趙左 溺血之症。痛者為血淋。不痛者為尿血。腎陰不足。君相之火。下移小腸。逼血下行。小洩帶血。溺管不痛。脈象細小而數。王太僕曰。壯水之主。以制陽光。當宜育坎藏之真陰。清離明之相火。

大生地 三錢

抱茯神 三錢

小川連 四分

蒲黃炭 三錢

粉丹皮 錢半

元武板 四錢

生甘草 六分

生白芍 二錢

淮山藥 三錢

阿膠珠 三錢

黃柏炭 一錢

藕節炭 二枚

黃左 肝為藏血之經。脾為統血之臟。肝脾兩虧。藏統失司。洩血甚多。小便頻數。

大便溏薄。舌中剝邊黃膩。脈濡弦而數。陰無陽化。陽不生陰。膀胱宣泄無權。足腫面浮。脾虛之見象矣。擬歸脾湯法。引血歸經。合滋腎通關丸。生陰化陽。

西洋參三錢 抱茯神三錢 紫丹參二錢 焦穀芽三錢 清炙黃芪三錢

炒棗仁三錢 茜草根炭一錢 焦白芍一錢五分 活貫衆炭三錢 炒於朮一錢五分

滋腎通關丸 二後包煎

二診 溲血有年。血色紫黑。少腹脹滿。小溲頻數。大便溏薄。內熱心悸。耳鳴頭眩。面色萎黃。腿足浮腫。脉左弦小而數。右濡弦。肝虛不能藏血。脾虛不能統血。血隨溲下。色紫黑。少腹滿。宿瘀尙未清也。前進歸脾法。合滋腎丸。尙覺合度。再從原方。複入通瘀之品。

前方去活貫衆、如生草梢、蒲黃炭、琥珀屑、鮮藕。

三診 溲血色紫。少溲頻數。少腹痠脹。大便溏薄。兼有脫肛。頭眩心悸。耳鳴。腿足浮腫。兩進歸脾。病無進退。脾虛固屬顯然。小溲頻數。少腹痠脹。肝熱有瘀。亦爲的當不移之理。惟病本雖在肝脾。病標卻在膀胱。經云。胞移熱於膀胱。則病溺血。膀胱者。州都之官。藏津液而司氣化。氣化不行。則病腫滿。肺者。膀胱水道之上源也。

治肝脾不應。治膀胱不應。今擬清宣肺氣。去瘀生新。下病上取。另闢途徑。以觀後效。

西洋參 三錢

抱茯神 三錢

茜草根 二錢

通天草 一錢五分 川貝母 二錢

炙遠志 一錢

紫丹參 二錢

活貫衆炭 三錢

清炙枇杷葉 三錢 去毛包

生草梢 八分

另鮮車前草汁鮮藕汁 各一兩 炖溫沖服

四診 昨投清宣肺氣。去瘀生新之劑。洩血已減。小便亦爽。下病治上。已獲效徵。

惟面浮足腫。腕腹作脹。納穀減少。頭眩心悸。大便不實。明係肝體不足。肝用有餘。脾弱不磨。運化失其常度。急其所急。緩其所緩。又當從肝脾着手。肝為乙木。脾為戊土。脾虛木橫。順乘脾土。固在意中。則治肝實脾。下病治上。亦一定不移之法矣。

生於朮 三錢

扁豆衣 三錢

紫丹參 二錢

葶薺梗 一錢五分 遠志肉 一錢

雲茯苓 三錢

陳廣皮 一錢

生草梢 八分

生熟苡仁 各三錢

生熟穀芽 各三錢

清炙枇杷葉 三錢 去毛包

五診 洩血已止。小便不爽。足腫面浮。納穀減少。脈尺部細小。寸關濡弦。此血虛肝氣肝陽易升。脾弱水穀之溼不化也。血虛宜滋養。脾弱宜溫燥。顧此失彼。動形掣肘。今擬健運中土。而化水溼。

炒白朮三錢

陳廣皮一錢

炒神曲三錢

滋腎通關丸三錢包煎

連皮苓四錢

煨木香五分

穀麥芽各三錢

冬瓜皮一兩煎湯代水

清炙草八分

春砂壳八分

炒苡仁三錢

六診 健運分消。腫仍不退。便溏口乾不欲飲。面無華色。頭眩耳鳴。納穀減少。脈象尺部細小。寸關虛弦。血虛之體。肝陽易升。脾弱水穀之溼泛濫。欲扶脾土。須益命火。經所謂少火生氣。氣能生血。血不能自生。全賴水穀之精液所化。擬崇土滲溼法。再進一層。

炒於朮三錢

連皮苓四錢

煨木香五分

滋腎通關丸一錢包煎

紅棗三枚

熟附片五分

陳廣皮一錢

炒神麴三錢

焦苡仁三錢

清炙草四分

春砂壳八分

焦穀芽三錢

冬瓜皮五錢

七診 身半以下腫依然。胸悶納少。大便溏泄。小便短少。口乾不多飲。舌薄膩。脈象尺部細小。寸關濡弦無力。皆由肝腎陽虛。水穀之溼。生痰聚飲。橫溢於膜原之間。中氣已虛。肝木來乘。氣化不及。州都膀胱宣化無權也。再擬崇土滲溼。滋腎通關。

前方去木香、神麩、加炒淮藥、炒車前子。

孟河丁氏醫案卷六

衄血案

李左 始由腹痛。誤服姜醋。辛熱過度。引心肝之火上亢。陽絡損傷。則血上溢。舌
衄如湧。氣粗喘促。口乾不欲飲。欲小溲則大便隨之。脈弦數而促。舌乾涸無液。肺
金化源告竭。龍雷之火飛越升騰。頗慮喘脫之險。急擬生脈湯救化源。犀角地黃
湯清血熱。

西洋參 二錢

鮮生地 三錢

生白芍 二錢

鮮竹茹 一錢五分 大麥冬 二錢

犀角尖 四分

粉丹皮 一錢五分

鮮藕汁 一杯沖服

鮮鐵石斛 三錢

川貝母 二錢

淮牛膝 二錢

郭右 髮乃血之餘。血虛則髮落。血虛生熱。熱搏營分。上為鼻衄。下為便血。宜養
血清營主治。

